

# Communicaziun a las medias BCG

## Modernisaziun e reavertura da la BCG Val – la Banca Chantunala Grischuna investescha en la Surselva

**Cuira, ils 6 da zercladur 2016 – La Banca Chantunala Grischuna (BCG) ha modernisà questa primavaira sia agentura a Val. Suenter in temp da renovaziun da var trais emnas vegnan las clientas ed ils clients cussegliads e servids a moda cumplexsiva a partir dals 6 da zercladur en las novas localitads.**

Cun renovar sia agentura a Val ha la Banca Chantunala Grischuna adattà in ulteriur lieu als standards actuals. Dapi ils 6 da zercladur 2016 pon la clientella ed ils collavuraturers giudair in'infrastructura moderna en localitads claras. «Ils locals moderns procuran per in'atmosfera empernaivla e creeschon premissas idealas per il meglier service pussaivel», sa legra Christian Alig, manader regiun Glion, da la reavertura da l'agentura.

### Cussegliaziun adattada als basegns e manaivla

Las clientas ed ils clients pon far diever a Val da tut ils servetschs da banca. Per ina cussegliaziun adattada a la fasa da vita ed als basegns procuran las collavuraturas ed ils collavuraturers da la BCG da tut ils champs spezials. La paletta da servetschs cumpiglia d'ina vart ils products da basa en connex cun ils contos, las cartas u il traffic da pajaments e da l'autra vart era la cussegliaziun cumplexsiva davart la prevenziun persunala, la construcziun e la cumpra d'ina atgna chasa resp. abitaziun da proprietad u davart investiziuns e l'administraziun da la facultad. Dals products adattads spezialmain per firmas profiteschan interpresas pitschnas e mesaunas. «In grond avantatg per nossas clientas e noss clients è il fatg che nus porschain l'entira paletta qua al lieu», declera Christian Alig la cussegliaziun cumplexsiva a Val.

### Il contact persunal stat en il center – dapi prest 100 onns

Val è per la BCG in lieu impurtant en la Surselva. La banca è preschenta qua dapi 95 onns. Cun investir en la modernisaziun da l'agentura accentuescha la banca l'impurtanza dal contact persunal. La BCG Val è averta mintgamai il glindesdi e la mesemna da las 8.00 fin las 11.30 ed il venderdi da las 14.00 fin las 17.30. Per ina cussegliaziun cumpetenta ed individuala procuran Duri Clalüna e Pius Schnider. Sin giavisch vegnan ils collavuraturers da la BCG era vinavant per ina cussegliaziun a chasa tar ils clients. Per retrair daners stat a disposiziun in bancomat ch'è en funcziun 24 uras il di.

### Contact per collavuraturers da medias:

Banca Chantunala Grischuna, Medias & Investor Relations, Chascha postala, 7002 Cuira

Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11

Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

#### Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'052 collavuraturas e collavuraturers (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

#### Termins

Rendaquint semestrel 2016:	29 da fanadur 2016
Quint annual 2016:	10 da favrer 2017
Radunanza dals participants:	8 d'avrigl 2017